



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hymenianis. De
Incarnatione Verbi. De Sacramentis Et Censuris.
Prælectiones Theologicæ Posthumæ**

Lessius, Leonardus

Lovanii, 1645

Dvb. 1. Vtrum Deus in hâc propositione Deus est homo, sumatur definite pro personâ Verbi, an indeterminatè pro quâuis personâ diuinâ.

[urn:nbn:de:hbz:466:1-72898](#)

96 Qu. 16. De cōsequēntib. unionē secund. esse fieri. A. 2. D. 1. 2. 3. 4.

batum est eundem esse Deum & hominem. Cū enim Christus sit verus Deus, & verus homo; etiam oportet, vt Deus sit verus homo; & homo sit verus Deus.

Ratio prioris est; Quia persona Filij Dei, est suppositum seu hypostasis humanae naturae. Ergo persona Filij Dei verè & propriè dicitur homo. (Nam de quolibet supposito naturae, propriè prædicatur nomen significans illam naturam in concreto; vt homo, de Petro & Paulo.) Ergo Deus verè & propriè dicitur homo. Patet hæc secunda consequentia; Quia nomen Deus, propriè potest supponere pro quāuis personā diuina.

Ratio posterioris est; Quia homo potest supponere pro quāuis hypostasi naturae humanae; ergo pro persona Filij Dei; ergo sicut Filius Dei propriè dicitur Deus; ita hic homo, propriè dicitur Deus.

D V B I V M . I.

Vtrum Deus, in hac propositione: Deus est homo, sumatur definitè pro personā Verbi, an indeterminatè pro quāuis personā diuinā?

R^{espondeo;} Si species vim & propriam significationem, accipitur indeterminatè; Nam esset vera etiam Pater vel Spiritus sanctus esset homo. Si tamen communem vsum spectemus, sic accipitur determinatè pro Verbo: vt docet hic D. Tho, Nam Christiani solē intelligere Verbum, Dices; hæc, Deus non est homo, est falsa. Et tamen vera, si Deus, acciperetur indeterminatè; quia Pater non est homo. Respondeo; Deus, in propositione negatiū, accipitur pro omnibus personis; nam significat rem individuam, de qua negatio absolute tollit attributum.

D V B I V M . II.

Vtrum homo dicatur vniuocè de Deo & de Paulo?

O missis sententijs, quæ verbis potius quam re discrepant. Respondeo, dici vniuocè. Ratio est; quia secundum candē rationem Christus dicitur homo, quā Paulus: eiūdem enim rationis & speciei est natura humana in nobis, & in Christo; vt fides docet. Neque verum est; quod homo significet etiam subsistentiam: quia tantum significat naturam humanam cum aptitudine ad subsistentium, idque indeterminatè sive hæc sive illa subsistentia.

Dices; Homo dicitur de Paulo per se, & formaliter considerato, non item de Deo: Deus enim vt Deus non includit esse hominem: ergo non vniuocè. Respondeo; Inde tantum sequi modum attributionis diuersum esse, & non vniuocum: ipsum tamen attributum est vniuocum, & vniuocè predicator; quia secundum candē rationem predicator, licet illa eadem ratio diuerso modo conueniat: sicut alium dicitur vniuocè de hoc albo, & de Petro.

D V B I V M . III.

Vtrum hoc locutio sit propria: Deus est homo?

R^{espondeo;} Est propriam: & patet ex ratione allata. Et Confirmatur; Quia si impro-

priè Deus esset homo, potius dicendus esset non homo, quam homo. Et beata Virgo propriè non esset Deipara: quod est contra Concilia & Patres citatos q. 2. a. 2. dub. vnicō.

Aduerte tamen, Durandum in 3. dist. 4. q. 2. admittere quidem hanc esse veram & propriam locutionem; non tamen esse tam propriam, quam hæc: *Paulus est homo.* De quo non existimo magnopere contendendum; modo fatcamur nullam esse improprietatem in hac; *Deus est homo.* Nam ad proprietatem orationis sufficit, ut seruatā propriā significatione terminorum, secundūm vistatum loquendi modum, attributum verè conueniat subiecto: quod fit in proposito.

Dices; Deus propriè est humanatus: ergo non dicitur propriè homo: nam eadem natura non potest propriè de eodem dici denominatiū & substantialiter. Respondeo Negando Consequentiam: dicitur enim *humanatus*, non ab humanitate nudè; sed ab vniione seu assumptione humanitatis, quasi humanitate induitus. Dicitur autem homo immediatè ab humanitate: vnde non est omnino idem abstractum. Addo; Est singulare in hoc mysterio, vt idem possit dici denominatiū & substantialiter: quia hypostasis diuina alienam naturam sibi substantialiter astrinxit.

D V B I V M . IV.

Vtrum hoc propositio (Deus est homo) sit in materia contingenti, an necessaria?

B^{ona}uentura, Scotus, Durandus & Gabriel in 3. d. 7. dicunt esse contingentem. D. Tho. autem a. 2. dicit esse in materia necessaria & naturali. Vtrumque verum est. Si enim Deus secundūm sua intrinseca consideretur, sic hæc propositio *Deus est homo*, est contingens: Nam Verbu liberè assumpsit humanam naturam, & nullā naturali necessitate in ea subsistit. Item, subiectum non est de ratione attributi, nec contrā; quod tamen ad propositionem necessariam vel naturalem requiritur.

Si autem Deus consideretur vt subsistit in natura humana, tamquam quiddam compositum ex naturā humana & persona diuinā, quod significatur nomine Christi; sic est necessaria, & in materia naturali: Nam est prædicatio speciei de suo individuo.

Prior sensus est magis proprius, si vocis Deus, significationem & naturalem suppositionem species. Si autem vsum huius propositionis, si alter sensus est magis vistatus: cū enim dicimus Deus esse hominem, per Deum, intelligimus Christum, qui compositus est ex natura humana & persona diuina: & sic intelligendus est D. Th.

Hinc etiam patet, An hæc sit propositio per se, an per accidentis. Est enim propositio per se vera; Si Deus accipiatur pro Christo. Si autem Deus, accipiatur secundum se; sic logice quidem loquendo per accidentis est vera. Physice tamen est per se: Nam est vno non accidentaria, sed substantialis, ex le. qua resultat ens per se vnum. Quare non est absolute dicendū, quod homo dicatur accidentaliter de Deo; aut quod Deus accidentaliter sit homo.

ARTI-